



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 56. Quæ in Concilio Veronensi secuta sunt.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

ab urbe Lugduno, Sabbathati & Infabba-  
 thati a calceis singularis formæ, sive quod  
 Calopodiis uterentur, vel quod superio-  
 rem calcei partem in modum crucis in-  
 cisam deferrent. Isti vero Hæretici a  
 Catharis seu Albigenſibus, longe anti-  
 quioribus, distinguendi sunt. Ceterum  
 necdumprehendimus. Recentiores  
 hosce alio errore, nisi quod otiosam  
 paupertatem amarent, & Clericorum  
 auctoritatem contempnerent. De Arnol-  
 distis suo loco nobis sermo fuit, sed de  
 Josephistis seu Mesopinis, ita enim in  
 quibusdam exemplaribus vocantur, ni-  
 hil invenio.

Sæcul. XII.  
 A.C. 1184.  
 Cang. Saba-  
 tati.  
 Ebrard.  
 cont. Wald.  
 c. 25.

## §. LVI.

*Quæ in Concilio Veronensi secuta  
 sunt.*

Dum Lucius Papa Veronæ Concilium  
 celebrabat, quidam Clerici ex di-  
 versis Regionibus, a Schismaticis, seden-  
 te Alexandro Papa, ordinati, in illam  
 urbem confluxerunt, atque Imperatore  
 Papam enixe rogante, ut eis veniam da-  
 ret, & quemque Ordini suo restitueret,  
 statim quidem reis indulſit, fecitque po-  
 testatem Libellos suos supplices offeren-  
 di, ut singulis gratiam pro diversitate  
 casus dispensaret; sed altera die mutata  
 mente ait; quod sententia suspensionis

Arnold.  
 Lubec. III.  
 c. 10.



Sæcul. XII. contra hos Clericos in Concilio Univer-  
 A. C. 1184. fali anno millesimo centesimo septuage-  
 simo septimo lata, non nisi in æquali  
 Concilio retractari posset, promisitque  
 se in hac causa Concilium Lugduni ce-  
 lebraturum. Conradus Archiepiscopus  
 Moguntinus & Conradus Episcopus  
 Wormatiensis Pontificem a proposito  
 dimovisse ferebantur, Germanis acriter  
 conquerentibus. Unde Cardinales di-  
 cebant, Germanos minantibus quam  
 rogantibus propiores gratiam petere.

*Mag. Chro.  
 Belg. p. 201.*

Veronæ de alio quoque gravis mo-  
 menti negotio, nempe de Electione Ar-  
 chiepiscopi Trevirensis, actum. Magna  
 illa Sede, Arnolde Archiepiscopo defun-  
 cto, vacante, diffidebat Capitulum,  
 his Volmarum Archidiaconum, aliis  
 Rudolphum Præpositum, Episcopum de-  
 poscentibus. Communi consensu de-  
 cretum, quod ad horam nonam conven-  
 turi essent ad schisma componendum.  
 Verum Volmarus antevertens præstitu-  
 tum tempus, se a sibi suffragantibus eli-  
 gi, & Sedi Episcopali imponi curavit.  
 Superveniens Rudolphus cum clientibus  
 suis & fautoribus, edixit, nullam esse  
 Volmari electionem, & a Præpositis esse  
 rejiciendam. Dum Canonici in hunc  
 modum litigarent, & Fridericus Princi-  
 pes Confluentiam convocasset, visum est  
 omnibus, jurgantibus Ecclesiæ Trevi-  
 rensis



rensis Clericis, Imperatoris esse, suo Sæcul. XII.  
 suffragio finem schismatis facere & Ar- A.C. 1184.  
 chiepiscopum, virum idoneum, nomi-  
 nare. Itaque Fridericus Rudolpho In-  
 vestituram concedit, & Volmarus ad  
 Papæ tribunal rem defert. Dumque &  
 Papa & Imperator suum quisque clien-  
 tem constanter tuetur, re infecta disces-  
 sum est. Schisma Ecclesiæ Trevirensis  
 septem annis tenuit. Præterea postu-  
 labat Imperator Fridericus, ut Papa Fi-  
 lium suum Henricum Imperatorem co-  
 ronaret. Quod facere recusans Papa di-  
 cebat; priusquam alium ungeret & co-  
 rona ornaret, Fridericus eam depone-  
 ret, duos enim Imperatores unum Im-  
 perium non capere.

## §. LVII.

*Legati Hierosolymitani in Francia.*

Concilio Veronensi necdum soluto, die Rad. de  
 quarta Novembris, Imperatore, Pa- Dice. to.  
 pa, Cardinalibus, & plerisque Episcopis p. 634.  
 in Majore Ecclesia congregatis, Gerar-  
 dus Archiepiscopus Ravennas tristem  
 Regni Hierosolymitani sortem publice  
 exposuit, omnis conditionis homines  
 ad opem ferendam pro remissione pec-  
 catorum suorum exhortans. Nempe  
 Balduinus IV. Rex Hierosolymæ mor-  
 bum in dies invalescere sentiebat, visum  
 caligantibus oculis amiserat, elephan-  
 L 5 tiasis